

**ELECCIONES ENTATH PARLAMENT DE CATALONHA 2017**

OFICINA DETH CENS ELECTORAU

**SOLLICITUD DE VÒT PER CORRÈU D'ELECTORS TEMPORAUMENTS EN ESTRANGÈR, HUELHA AUXILIARA**

Er imprès qu'acompanhe aguesta huelha auxiliara ei eth modèl de sollicitud qu'er elector a d'aumplir entà demanar ena Delegacion dera Oficina deth Cens Electorau corresponenta, era documentacio entà exercir eth sòn dret de sufragi per corrèu dempús der estrangèr enes eleccions qu'auràn lòc eth pròpleu 21 de decembre de 2017.

**Qui pòt utilizar eth procediment de votacion entàs electors que se tròben temporaument en estrangèr?**

Poderàn votar mejançant aquest procediment es electors que se tròben temporauments dehòra deth territòri estatau, un còp amiada era convocatòria des eleccions e que preveiguen que demoraràn en aguesta situacion enquiath dia dera votacion e que, ath delà, figuren inscrití en Registre de Matricula Consular coma non residents.

**Ua còp hèta era sollicitud deth vòt per corrèu, non se pòt votar personaument.**

**Procediment de votacion****Sollicitud**

Er imprès dera sollicitud pòt recuelher-se enes burèus consulars de carrèra o seccions consulars d'embaishada, o descargar-se telematicaments en web electorau [www.parlament2017.cat](http://www.parlament2017.cat) o en web [www.exteriores.gob.es](http://www.exteriores.gob.es)

Era sollicitud la cau adreçar en ara Delegacion deth Burèu deth Cens Electorau dera província a on er elector/a figure inscrit/a en cens electorau.

**Lòc de presentacion**

Era sollicitud ramplida e signada la cau liurar personaument en **Burèu Consular de Carrèra o Seccion Consular d'Embaishada**. Eth/a funcionari/ària consular/a exigirà ar elector/ara exhibicion deth document nacionau d'identitat o passapòrt e verificarà era sua inscripcion en Registre de Matricula Consulara coma non resident, atau coma era coincidència dera signatura.

Eth Burèu Consular de Carrèra o Seccion Consulara d'Embaishada remeterà era sollicitud de manèra immediata tara Delegacion Provinciau deth Burèu deth Cens Electorau corresponent.

**Plaç entà sollicitar eth vòt per corrèu**

Se pòt sollicitar a compdar dera data de convocatòria e enquiath **22 de novembre de 2017**.

Maugrat açò, se recomane formular era peticion çò mès lèu possible.

**Trametuda dera documentacion entath vòt per còrreu**

Era Delegacion Provinciau deth Burèu deth Cens Electorau corresponenta iniciarà era remetuda dera documentacion electorau eth 25 de novembre de 2017. Era remetuda se harà en domicili en estrangèr indicat ena sollicitud e a nòm dera persona sollicitanta.

Eth justificant de recepcion acreditatiu d'auer rebut era documentacion nomentada l'a de signar personaument era persona sollicitanta despús d'acreditar era sua identitat.

**Tèrme entara remetuda deth vòt per corrèu**

Auetz de remèter eth vòt per corrèu certificat non mès tard deth **17 de decembre de 2017**.